



# Arubaanse Courant

Anja 25

DIASABRA 11 JANUARI 1964

No. 4937

## HOMBER A HANJA SHOCK DI 60.000 VOLT Obrero M.W.K. a basha abao na candela for haltura di 8 meter

Balashi, 11 Januari

Manera un bala di candela señor Urbano Oduber di 45 aña di edad a basha ayera merdia pa banda di 11'or y mei for di un parti di transformator na haltura di 8 meter na Water en Energie Bedrijf na Balashi, despues cu el a caba di ricibi un sla di 60.000 volt ora cu, pa un motibu te ainda desconoci el a bin den contacto cu un di e connexion di alta voltahe den e "transformator Yard" na e fabrica di energia na Balashi. Den un situacion masha critico el a worde transporta pa San Pedro Hospital.

Banda di 11'or y mei ayera merdia, majoria di habitante y oficinanan na Oranjestad a ripara cu nan tabata sin corriente. Un rato despues e personanan cu ta biba of traha den becindario di Hospital na Oranjestad a tende un ambulance sali cu pito di alarma. E motibu di tur esaki tabata cu un obrero di M.W.K., un compania Mericano cu ta trahando na e extension di e planta di awa y energia na Balashi, esta señor Urbano Oduber di 45 aña di edad, kende tabata haciendo su trabao, a bin den contacto cu un di e connexionnan di alta voltahe den e "transformator Yard". Segun informacion señor Oduber tabata controlando e tubonan den cual e wayanan

di altavoltahe ta pasa, pa mira si nan no tabatin ningun lek. E tubonan aki ta yena cu gas, cual ta duna un seguridad mas halto. Durante di e controlamento aki pa lekmento di gas for di e tubonan, señor Oduber tabata den un di e stellagenan di e "transformator Yard" na un haltura di mas o menos ocho meter. Probablemente señor Oduber na cierto momento a lamta para ariba e stellage y a perde control, door di cual el a busca caminda pa tene y trahicamente a dal tene na un di e connexionnan di alta voltahe. E shock mester tabata tremendo. Na e lugar caminda señor Oduber a dal tene, tabatin un pleki manera carbon.

Segun personanan cu a miré ta traha el a basha abao for di e stellage manera un bala di candela. Na mes momento di e sla probablemente el a perde su tino. Mesora cu companjeronan di trabao a miré cal, nan a corre yega aserca pa paga su panjnan na su curpa cu tabata cendí na candela. E ambulance

yega na e lugar di e desgracia e.o. Gezaghebber O.S. Henriquez, Comisario di Polis C.A. de Jager y diferente miembro di Inspeccion di Seguridad, kendenan a worde poni tanto posibel na haltura di loke a pasa.


cu a yega rapidamente, a hibé cu pito grandi di alarma pa San Pedro Hospital, caminda e lucha pa salba bida di señor Oduber a cuminsa.

### Poco speranza

Personanan cu na promer momento a tende di e accidente y alavez a mira den cual condicion señor Oduber a worde transporta a bisa cu ta casi imposibel pa e keda na bida. Na hospital tabatin mes ora tres dokter pa traté y cu a lucha pa tené na bida. Segun ultimo informacion cu nos a ricibi ayera anochi, señor Oduber su situacion ainda no tabata duna mucho speranza.

Poco despues di e accidente a

*Algun di e hefenan di M.W.K. na e lugar den e "transformator yard" na e planta di awa y energia na Balashi caminda e accidente a tuma lugar ayera cu señor U. Oduber. E flecha blanco ta mustra e lugar caminda señor Oduber a bin den connexion cu e alta voltahe di 60.000 volt.*



**FATUM** - Tel: 1845  
pa tur bo aseguronan

**E CIGARIA COE AROMA  
DI TABACO RICO**



**PA BO SATISFACCION**

### Comision di conseho y financia pa C.C.C.

Oranjestad, 11 Januari  
Ultimamente e Comision Central di Carnaval pa anja 1964 bao di guia di presidente señor Milo J. Croes a nombra un comision special pa duna conseho y trata asuntunan di financia pa e carnaval venidero. E comision cu a worde nombra ta lo siguiente: Presidente, diputado G.A. Oduber, mientras cu e otro miembronan di directiva ta señor M.S. Kulperi, jefe di Oficina di Turismo na Aruba, señor Harold Oduber, miembro di Camara di Comercio, señor Adriaan Arends, tesorero di Organizacion pa Comercio y Industria, señor M.J. Croes como presidente di e Comite di Carnaval. E proposito di e comision aki ta pa aserca comercio pa hanja yudanza financiero pa e carnaval di e anja aki y pa duna e C.C.C. conseho den organisacion di e carnaval.



*Diahuebes den dia gobernador y señora Debrot a haci un tour over di nos isla. Diferente puntonan atractivo di nos isla a worde bishita pa e huespednan. Entre otro e cuebanan na costa norte di Aruba a worde bishita. E potret aki ta muestra Gobernador di Antillas N. Debrot (di 4 di robez) den combersacion cu señor N. Piña-Lampe, hefe di Servicio Informativo di Gobierno Insular hunto cu Gezaghebber O.S. Henriquez y Deputado F. J. Tromp, mientras completamente na robez ta para señor J. Merryweather, -sinta señora Debrot y tras di Gobernador ta para su ayudante.*

**E Cas Di Bo Sonjo**  
na prijsnan práctico



cu materialnan di construcción di calidad y na prijs atractiva, esey ta solamente na

**PETRONA & CROES**

## Gobernador a ricibi teksto di "Maria di Seri'noka"

Oranjestad, 11 Januari

Diahuebes atardi ultimo for di 4' or y mei pa 6' or y mei di atardi Gobernador di Antillas mr. N. Debrot y esposa den presencia di diputado G.A. Oduber tabatin un encuentro cu representantenan di "Mascaruba" grupo di comedia na Aruba y "Stichting Teatro Arubano", cual ultimamente a worde funda pa stimula bida teatral na Aruba. E delegacion di e dos organizacionan aki a worde forma pa señor Dominico Tromp, srta. Nena Vrolijk, señor Robert Lopez-Henriquez y señor Oslin Boekhoudt. Durante mas o menos dos ora nan tabatin un combersacion cu Su Excelencia tocante di e bida di comedia na Aruba y su problemanan y en especial e problema di tin un regisor profesional y permanente.

E delegacion di "Mascaruba" y "Stichting Teatro Arubano" cual segun un informacion anterior di Servicio Informativo di Gobierno a worde ricibi pa Gobernador na Hotel Basi-Ruti, 4' or y mei Diahuebes atardi, na ultimo momento a worde informa cu nan lo worde ricibi na Aruba Caribbean Hotel-Casino den kamber no. 420, caminda Su Excelencia a residencia durante su estadia ultimamente na nos isla. Banda di 4' or y mei e delegacion a worde ricibi pa Gobernador y señora Debrot. Durante e combersacion cu a dura casi dos ora, señor Debrot kende algun tempo pasa a presencia e comedia "Maria di Seri'Noka" den e teatro na aire liber na Santa Cruz, a muestra gran interes pa e bida y esfuerzo ariba e tereno di comedia aki na Aruba. E tabatin masha elogio pa loka e miembronan di "Mascaruba" a presenta den "Maria di Seri'Noka", "hasta cu na cierto momento el a clasifica e presentacion di "Maria di Seri'Noka" como un presentacion profesional. Como un gesto di parti di Mascaruba, srta Nena Vrolijk a entrega un copia di e teksto di Maria di Se-

ri'Noka e comedia cu a worde tan gusta pa Su Excelencia. Gobernador a priminti di scribi algo tocante esaki den "Antillaanse Cahier". Tambe e combersacion tocante di comedia a yega na cierto momento na e storia di Pasion di Cristo, di cual algun tempo pasa e comedia "Golgotha" a worde hunga na Corsow y segun informacion a worde hunga na Aruba na aña 1956 y 1957 pa Centro Apostolico Arubano. Como cu un di e miembronan di Mascaruba tabatin tambe un di e coplanan di e teksto di e comedia aki, el a worde entrega na Gobernador.

### Problema di regisor

No unicamente e combersacion di Diahuebes atardi entre Gobernador Debrot y e delegacion di "Mascaruba" y "Stichting Teatro Arubano" a bai tocante di e exitonan cu e gruponan di comedia na Aruba y en especial "Mascaruba" tin, pero tambe tocante di problemanan manera esun di regisor. Segun e miembronan di e delegacion a splica na Su Excelencia, e cambiamentu di regisor den temponan cortico manera cu e ta tumando lugar

awor, internamente hopi biaha ta forma problemanan pa e gruponan amateur di comedia, cu e ora tin di bai segun e regisor nobo ta bisa. Esta dos aña un ta traha asina, sigulente dos aña un otro ta traha di otro modo, etc. Tambe e delegacion a laga sabi cu e calidad di comedia na Aruba na e momento ta di tal nivel, locual Gobernador mes a reconoce, cu ta necesario pa

Cumpra bo tairanan

**Continental**

awor y laga nos monta nan

GRATIS pa bo.

Tur tamanjo na existencia.

**E. & G. MARTIJN**  
(ARUBA) N.V.

Havenstraat 10-12  
tel. 1429 - 1493

**CARRIBBEAN MERCANTILE BANK N.V.**

TA PARTICIPA CU INTEREST Ariba  
SP AARBANKBCEKJES A WCRDU AUMENTA  
HASTA

**3 PORCIENTO**

DESDE 1 JANUARI 1964. ADEMAS INTEREST  
ATRATIVO T A WORDU CFRECI Ariba  
DEPOSITOS PA QUALQUIER PERICDO FIJC.

**GRANDIOSO CONCURSO DI ARUBA CANDLE**

na number di su prestigioso producto

**SUPER PINE**

Pa cada botter bashi di „SUPER PINE,, etiqueta berde Bo ta ricibi un cupon cu valor di 10 PUNTO.

E tres personanan cu tin mas punto na final di e concurso lo gana un

**TELEVISOR PORTATIL**

di e famoso marca „SANYO,, Cambia bo botternan bashi na ARUBA CANDLE Fergusonstraat No. 68A, Dakota.

Nos concurso lo sera dia 31 di mei 1964. Usa semper SUPER PINE y queda satisfecho. Pasobra Super Pine ta economico y ta mata 100% di tur microbionan.

si manda regisor pa Aruba, esta ora Sticusa haci esaki, pa ta regisor di caliber profesional y no amateur mas. E motibu cu e delegacion a expresa esaki ta entre otro e perdida di e regisor P. Eelvelt cu awor ta na Corsow, y den añanan cu e tabata na Aruba a lamta e nivel di comedia local enormemente. Pesel no ta straño cu na e momento esfuertonan ta worde haci pa hanja e regisor aki back na Aruba.

Segun e representantenan di "Mascaruba" a informa na señor Debrot, Sticusa enberdad ta dicidi kende nan ta manda, pero awor a bira asina cu e gruponan di comedia na Aruba, y en especial esnan di "Mascaruba" ta hanja cu di nan banda nan por tin cierto deseonan di loka ta trata di e caliber di e regisor. Gobernador a muestra gran comprendemento pa e problemanan aki, pero tabata masha optimistico en cuanto e desaroyo di e bida di comedia y cultural en general di Aruba.

Ayera merdia pa 12' or y mei Gobernador y señora Debrot cu nan ayudante a laga nos isla atrobe pa bolbe na palacio na Willemstad.

# EMBAHADA MERICANO NA PANAMA DESOCUPA DESPUES DI INCIDENTE DI BANDERA NA PANAMA

## Shete morto y 190 herido balanza di chokenan sangriente na Panama

WASHINGTON, 11 Jan. Circulonnan oficial mericano ayera nochi a participa, cu e embahada mericano na Panama a wordu desocupa pe personal como precaucion despues cu nan a ricibi noticianan segun cual demostrantenan Panamenjo ta prepara pa sali pa ataca e embahada. - Documentonan secreto a wordu kima pe personal.

Merca actualmente no tin ningun embahador na Panama. E ultimo embahador tabata Joseph Farland, cu poco despues di asesinato riba Kennedy a pidi su retiro.

Awe tabatin atrobe irregularidadnan na Panama. Segun e ultimo noticianan tabatin di banda di Panama 15 morto di cientos di herido. Di fuente militar Mericano a ser anuncia, cu tres militar Mericano a muri mientras tin 46 herido. Varios Mericano a wordu maltrata y tambe casnan di civilnan Mericano a wordu destrui y nan a ser horta. General Andrew O'Meara, cu tin comando riba trupanan mericano den Zona di Canal di Panama, a participa, cu riba peticion di president Chiari di Panama, di no contesta mas e tiroto de pistoleronan. El a ganja seguridad di Chiari, cu guardia nacional di Panama lo actua contra e pistoleronan menciona.

Radio y prensa Panamenjo a keda acusa e Mericanonan di agresion. Segun noticianan foi

Chiriqui, den norte di Panama, e multitud a lyncha dos Mericano. E oficina dje servicio Mericano di informacion na Chiriqui a wordu destrui y sende ayeranochi na candel.

General O'Meara, cu tin comando riba trupanan, cu a tuma gobernacion di autoridadnan civil den zona di Panama, a participa, cu tres militar Mericano a wordu mata y 34 herida, mientras cu nan a perde hopi. Di fuente di Panama nan a anuncia shete morto y cien herido. Tur schoolnan den e Zona di Canal tabata serra.

President Chiari a bisa den un discurso di radio, cu a priminti e pueblo di Panama, justicia pa awor y semper. El a acusa militar Mericano di agresion. Na Miami a representante di Panama cerca Nacionnan Uni Aquilino

Boyd a declara na su llegada foi Panama cu militar Mericano a tira riba hendenan indefenso.

Boyd lo entrega un keho cerca conseho di seguridad di Nacionnan Uni.

### Tratado

E kestion di bandera, cu a causa e irregularidadnan di ayera den Zona di Canal di Panama a resulta anja pasa di tabata regla, ora cu Merca y Panama despues di deliberacionnan cu a dura lunanan, a llega di acuerdo, cu e banderanan nacional di ambos pais lo mester cologa na cierto punto den e Zona di Canal banda di otro.

Tambe nan a stipula cu organizacionnan particular y personalnan den e zona, por actua den e kestion di bandera segun nan ta hanja mas mihor, tratando dinan propio cas o edificio di comercio. E tratado, door di cual Zona di Canal ta e huur na Merca, ta data di 1903, y foi e tempu ey tabatin masha poco cambio den dje, maske cu e ultimo anjanan di fuente Panamenjo ta wordu insisti pa un tratado nobo. E tratado ta duna Merca den e Zona di 16 km te na canal derecho pa construccion, mantencion, exploracion, medianan higienico y proteccion.

E tratado ta serra pa semper. E interpretacion Mericano ta, cu Merca lo tin gobernacion completo den e zona, mientras Panama solamente cu palabra tin autorizacion. Panama sin embargo ta hanja necesario cu e punto esencial dje tratado mester ta situa den derechonan di mantencion, exploracion y defensa de canal. Funcionaneronan di gobierno, cu directamente no tin nada di haber, no ta cai bow autorizacion Mericano, segun e punto di bista Panamenjo.

### Johnson y Chiari

President Johnson y president di Panama Chiari ta di acuerdo cu mester llega un fin ne irregularidadnan den zona di canal di Panama segun Casa Blanca a anuncia.

Johnson poco promer cu merdia a busca contacto telefonico cu president Chiari y den un conversacion di un cuarto di oranan a haci entre cambio di idea tocante e situacion. E president Mericano a bisa Chiari, cu el a ordena Thomas Mann, e segundo minister nobo pa exterior y asuntunan interamericano, pa sali inmediatamente cu avion pe zona di canal pa haci un investigacion. Mann lo ta compania pa Cyrus Vance, minister pa ehercito - cu ta responsabel pe marcha militar di asuntu den zona di canal, Edwin Martin, ex subminister di exterior pa asuntunan interamericana y venidero emba-

hador di Merca na Argentina, y Ralph Duncan un miembro di staf di Casa Blanca a participa tambe cu e gobierno Mericano ta lamenta masha e morto tragico di Panamenjo y Mericanonan. President Johnson a ordena general Andrew O'Meara, e comandante di trupanan Mericano den zona di canal di haci tur loke ta den su poder pa restablece y mantene orden y paz den Zona di Canal. E president Mericano ta pidi e habitantenan dje Zona di Canal pa keda tranqui.

Un acuerdo ta solamente posibel door di comprension mutuo y nan no por llega na paz door di uso di violencia, segun Casa Blanca.

### Victimanan

E cantidad di victimanan dje irregularidadnan na Panama, segun a ser anuncia di fuente di Panama ta shete morto y 190 herido, di kende 145 ta den ciudad Panama y 45 na Colon den Zona di Canal. Gobierno a proclama un dia di rouw nacional.

Manera anuncia ayera mainta tabatin un incidente di bandera den Zona di Canal di Panama causa pa estudiantenan Mericano cu kier solamente e bandera Mericano y esun dje pais manera

gobierno Mericano y di Panama a conveni cu otro. -

Door dje irregularidadnan aki Panama a suspender su relacionnan cu Merca.

E stacion Mericano di Radio CBS, a anuncia, cu president Robert Chiari di Panama a pone tres condicion pa restablece relacionnan diplomatico entre su pais y Merca. E condicionnan aki ta

1. Panama mester ta soberano den zona di Canal. Manera anuncia Merca ta reconoce autoridad di Panama den e zona solamente cu palabra.

Panama mester hanja mas placa di Merca pa uso dje canal y obreronan di Panama mester hanja e mesun status cu mesun Mericano.

E ministerio di exterior ayera nochi a ricibi un telegram dje gobierno Panamenjo, den cual ta ser anuncia cu gobierno di Panama ta kibra relacionnan diplomatico cu Merca.

Radio Moscu a liama e actuacion Mericano den Zona di Canal di Panama, ayera nochi un hecho sangriente di oprision contra e Panamenjonan y a acusa Merca di declaracionnan mentiroso tocante irregularidadnan den e territorio aki.

## Comunicado Chines Albanes

BELGRADO, 10 Jan. Lidernan Chines y Albanes a acusa rehabilitacion di Jugoslavia den movimiento mundial comunista y a yama pa un lucha contra revisionismo moderno y dogmatismo moderno. Asina ta para den un declaracion comun di prome minister Tsjoje en Lai di China Comunista y su colega Albanes Sjhoe na final dje bislita di 9 dia dje prome minister Chines na Albania. Prome minister Tsjoje en Lai a sali pa Tunisia.

Den e comunicado Rusia no ta ser menciona, pero observadornan ta ripara, cu e lidernan Ruso ta wordu mira como exponentenan di revisionismo mo-

derno, mientras lidernan comunista di particuta sigui lidernan Ruso siegamente ta wordu pinta como dogmaticonan moderno.

Den e comunicado ta ser bisa: e kliek revolucionismo di Tito na Jugoslavia a traiciona campo socialista y a bira un departamento special di imperialismo Mericano pa sabotea revolucion mundial.

Tambe ta ser bisa cu e lidernan Chines y Albanes a papia tocante kestionnan internacional y kestionnan den e movimientu comunista internacional y cu nan puntonan di bista tocante esakinan ta igual.

### Brandt y pasnan di pascu

BERLIN, 10 Jan. Burgemeester Willy Brandt di Berlin Occidental a dje mocionnan di confianza dje Direccion di ciudad di Berlin Occidental tocante areglo di pasnan di Pascu y pa aprobacion di mas intencionan pa drecha libertad na Berlin pa bai unda cu bo kier.

En deliberacion cu e gobierno na Bonn y e tres potencionan Occidental den e direccion di ciudad nan lo trata pa hanja un areglo permanente pa libertad di trasladacion pe Berlinese-nan.

E status legal di Berlin no meste bira swak door dje areglo

aki, y e direccion di ciudad lo para responsabel pe.

Tambe e relacionnan cu republica federal y potencionan occidental no meste bira debil y no meste apoya e teoria comunista di tres pais, segun Brandt. E direccion di ciudad y gobierno di Alemania Occidental ta di acuerdo cu continuacion dje deliberacionnan tecnico y e manera riba cual nan lo wordu haci, segun Brandt.

## Bacuna Naessens contra leukemie

PARIS, 9 Jan. Minister di sanidad publica di Francia a pidi Aston Naessens cu a bisa di a descubri un serum contra leukemie pa manda e bacuna aki foi Corsica pe instituto di cancer Gustave Roussy na Villejuif cerca di Paris. E curador, cu antes a wordu condena pa eheccion ilegal di medicina, a bai di acuerdo cu pruebanan oficial. E ministerio si a avisa publico cu te ainda nan no sa e eficacia dje bacuna.

Entre tantu un comerciante Ingles a invita Naessens pa Inglaterra pa continua akinan cu su trabao. E Britanico a ofresele 3.000 libra esterlina (local ta mas o menos 15.000 florin) pa aña.

Naessens a reaciona favorablemente. Un hoben Ingles cu a llega Ajaccio na December pasa cu su mama pa un tratamentu dje bacuna, ta hanja actualmente inyeccionnan.

E tratamentu lo dura 40 dia. Naessens actualmenteta den conflicto cu e docter dje hospital Bastia, cu ta ninga di trata un mucha homber cu ta pertenese ne partidaronan dje curandero e familia di Bernard Ferran di 14 aña di Cervione.

E bacuna a salba su bida, pero segun docternan e no ta cla ainda cu e restablesimientu, eventualmente temporal, ta causa pe bacuna. Naessens cu actualmente ta den conflicto cu e docter director dje hospital Bastia, ta ninga di trata un mucha homber di 4 aña, un dje pacientenan di Naessens cu e bacuna.

### KANTOOR NOTARIS W.F.M. LAMPE

ZOUTMANSTRAAT No. 7.

ARUBA.


### VRIJWILLIGE OPENBARE VERKOPING

Op Donderdag 23 Januari 1964,  
des na-middags te 4.30 uur

- 1/4 noordelijk deel van grondconcessie No. 387, gelegen in het eerste district van Aruba, groot in zijn geheel 2 1/2 Ha. met opstal van een huis. Hypotheekkantoor C 20-58.
- de noordelijke helft van grondconcessie No. 896, gelegen in het eerste district van Aruba groot in zijn geheel 4.88 Ha. Hypotheekkantoor C 23-70.
- de westelijke helft van grondconcessie No. 336, gelegen in het tweede district van Aruba groot in zijn geheel 1.5 Ha. Hypotheekkantoor C 41-37.
- een stuk grond groot 843 M2, in het 2e district van Aruba, (Rooibrief 2138/1945), met bijgebouwen van de opstal sub 5. Hypotheekkantoor C 41-37.
- een stuk grond groot 465 M2, in het tweede district van Aruba aan de Noordkant van de weg naar Bubali, Meetbrief 129/1945, met woonhuis /bar bekend als Bubali No. 16. Hypotheekkantoor C 43-81.

VOOR NADERE INLICHTINGEN VERVOEGE MEN ZICH  
TEN KANTORE VAN VOORMELDE NOTARIS.

TEL 2850-2851



"Empress of Canada" di Canadian Pacific Line cu for di Dia-huebes anochi te Dia-bierna anochi tabata den haaf na Oranjestad cu 682 pasahero na bordo. "Empress of Canada" ta worde representa na Aruba pa S.E.L. Maduro & Sons.

### "Empress of Canada" na Aruba

Oranjestad, 11 Januari  
Diahuebs atardi pa mas o menos 6' or a drenta haaf na Oranjestad e bapor di turista „EMpress of Canada,, di Canadian Pacific Line. Empress of Canada di cual e oficina major di e compania propietario ta staciona na Londen, ta worde representa na Aruba pa S.E.L. Maduro & Sons Inc. na Aruba. E bapor cu ta haci na drenta haaf na Oranjestad cu 682 pasahero a bordo. El a keda den haaf te 7' or ayera nochi.

## Despues di empate San Nicolas Junior y Estrellas a resulta ganador "C" y "D"

Tropical y San Nicolas Jrs, den e tercer wega di e torneo na beneficio di e construccion di un kleuterschool na Sta. Cruz, a tene otro duro te na ultimo momento promer cu un di nan dos por a yama su mes e triunfador. E partido mes di 30 minuut cada banda a termina na empate di un gol.

Promer gol di e wega a worde anota door di Benny Brete di Tropical den di 10 minuut di e promer tempo. Mas o menos 15 minuut despues e esfuerzonan di San Nicolas Jrs ta duna resultado ora cu Hubert Maxwell ta anota e gol cu ta empata e partido na 1-1. Den e segundo tempo San Nicolas Jrs ta domina ampliamente, pero sinlogra anota. Te na ultimo instante nan ta forza hopi y duna e defensa di Tropical hopi trabao. Un palabra di elogio pa e defensa di Tropical cu a sabi di debolte e avanzan continuo cu exito indubablemente ta na su luga. Despues cu e partido a finaliza 1-1, mester a worde tuma penalty. Beltran di San Nicolas Jrs ta e promer den cobra su shot directamente riba keeper Pedro Dijkhoff ta worde gepomp back den tereno. Domi Croes ta e promer den cobra pa Tropical y ta pone su club adilanti. Nady Briezen di San Nicolas Jrs ta empata, y ora cu e siguiente penalty tuma door di Benny Brete di Tropical ta dal na tubo di gol e score ta empata mientras cu cada un tin uno ainda pa tuma. Hubert Maxwell y luego Toko Tromp ta tuma nan penalty cu exito y asina e tumamento di penalty tampoco a dicidi un ganador. Hunto cu referi Ello Tromp e dos capitannan Benny Brete di Tropical y Boei Briezen di San Nicolas Jrs a bai mei mei di tereno caminda lot a worde tira y aki suerte a favorece San Nicolas Jrs. Den e forma aki e muchanan di San Nicolas a obtene derecho di continua den e torneo, mientras cu Tropical a keda elimina.

### Penalty ta duna Estrella triunfo

E segundo match di diahuebs anochi a bai entre Estrella y Juventud Millonarios pa dicidi e ganador „D,, cual diamars awor tin di enfrente ganador „C,, (San Nicolas Jrs). Hopi movi e partido tabata pero cu un futbol tambe decepcionante. Juventud Millonarios a pika adilanti den di 8 minuut cu anotacion di midvoor Hildo Jacobs durante loke por worde yama e atake di Juventud. E shot lastra di Jacobs tabata bon coloca y no a duna keeper Lermy Vries tempo pa reacciona. E gol di empate no ta tarda ya cu apenas un minuut despues, Candi Wernet ta percura pesel. Na e hugada aki a sosode algo stranjo ya cu e arbitro Del Prado a fluit promer cu e bala a bai gol, pero luego a laga e anotacion keda valido. Meskos cu diferente otro decision di e arbitro, esun aki a cai stranjo pa e publico. Cu e decision aki e partido a empata na un gol pa banda. Estrella cu mihor combinacion cu nan rivalnan ta trece e bala cu mas frecuencia riba e tereno cu nan mester ataca. Pero tog atrobe e proximo gol ta di Juventud Millonarios. Tabata den di 27 minuut di e promer tempo ora cu Hildo Jacobs ta haci bon rush. E ta pasa keeper Vries, pero ta tarda pa shot y ta perde e bala contra di un defensa di Estrella. Den e hugada Jacobs ta worde tumba y e arbitro Del Prado ta senjala un penalty. Ronald Alee, back

central di e millonarianan ta adelanta y ta cobra e penalty den forma perfecto pa pone su club adilanti 2-1. Cu e score aki halftime a bai aden. E gol di empate di Estrella ta worde anota mediante un penalty door di Candi Wernet den di 17 minuut di e segundo tempo. Cu e score 2-2 e partido a finaliza, loke a haci cu e wega aki tambe mester a worde dicidi den mas di un ora di wega. Estrella cu a cuminsa ta cobra penalty a anota tur tres den perfecta forma, mientras cu Juventud Millonarios a falla cu e promer, anota e segundo y no tabata tin mester di tuma e tercer mas. Estrella asina a bira ganador „D,, y ta continua den e torneo.

### Lectura di prof. Donkersloot na Aruba tambe

Oranjestad, 10 Januari  
Na e momento aki ta na Aruba ariba invitacion di Departamento di Enseyanza y Comité Pa Desaroyo di Siencia na Antillas, profesor dr. N.A. Donkersloot, escritor cu a scribi diferente buk di e number di Antonio Donker. Prof. Donkersloot ta bin duna algun lectura akinan, di cual entretanto ya esun di promer a worde duna algun dia pasa na Corsow. Si tin basta interes na Aruba lo e tene cuater discurso mas o menos akinan. Esakinan lo ta colegio completo den siencia literario. E cuater lecturanan aki lo worde duna den cuater anochi, esta dia 17, 20, 24 y 27 venidero den e sala di Sociedad Bolivariana. Interesadonan pa e cuater anochinan, por inscribi nan te dia 14 venidero serca inspeccion di Enseyanza na Aruba, tel. 2649. E suma pa persona cu inscribi ta Fl. 10,--

### Boet di fls. 500.-- pa Juv. Millonarios

(Di Nos Redactor Deportivo)

Ayera a yega den poder di directiva di Juventud Millonarios, un carta di directiva di Aruba Voetbal Bond, den cual esaki ta informa cu un castigo severo a worde poni riba nan. E castigo aki ta en relacion cu e viahe cu Juventud Millonarios a haci pa Puerto Rico anja pasa, caminda nan a hunga algun wega. A.V.B. a informa Juventud Millonarios e tempo ey cu nan no tin permiso pa hunga aya, pero como Juventud a haci esaki tog, awor directiva di A.V.B. a dicidi di impone un castigo severo. Ya ta basta siman caba cu circulando rumornan cu Juventud lo hanja castigo, pero ningun hende por a spera cu e lo ta asina fuerte. E castigo a bira un boet di nada menos cu f. 500.-- (cincio cien Florin!!!) y un aña di castigo condicional. Indubablemente ta un record establec esaki. Di parti di Juventud Millonarios sin embargo nan ta convenci cu nan no a comete un infraccion cu por hustifica e castigo aki. E punto cardinal di e asunto aki ta cu si e Federacion di Puerto Rico ta of no geschors door di F.I.F.A. Den nos proximo edicion nos lo bolbe cu mas detaya tocante e asunto aki.

### R.C.A. - Dakota awe nochi

Den Wilhelmina stadion promer dos ganadonan di e torneo ta enfrente otro awe nochi. Ta trata di e equiponan di Dakota y R.C.A. cualnan respectivamente a triunfa riba Aruba Jrs y Jong Aruba riba e promer fecha di e torneo. Ganador di awe nochi ta coloca su mes den finale.

### Parlamento di Uruguay a worde bloqua

MONTEVIDEO, 10 Jan. Parlamento di Uruguay mester a suspente ayera nochi su debate tocante ayesanuestro. Personal dje servicio municipal di transporte a blokia entradanan pa edificio di parlamento cu autobus, pa obligar parlamento contribucion di autoridat pa nan.

### Sushi den espacio

LONDEN, 10 Jan. Mas di 400 obheto produci pa man humano entre cual, "hopi roestu bleuw" ta circula actualmente rond di mundo. Un gran parti di esaki lo keda cientos di aña den circulo rond di mundo, segun e revista Britanico di aviasion "Flicht" a scribi. Na un enumeracion di tur lansamentunan despues dje prome Spoutnik dia 4 di oktober di 1957 e revista ta scribi, cu e obhetonan, entre otro satelitanan, ultimo pisonan bashi y raketnan di propulsion y partinan di metal ta decendiente di Merca. Majoria dje pidanan di metal ta dje raket transit 4-A di marina Mericano, lansa na aña 1961 y cu a explota y dje prueba nan Ruso di raket. Te ainda 750 obheto a drenta un orbita rond di mundo, hopi satelite a recore un distancia asina corticu, cu pronto despues di lansamentu nan a kima. Podiser nan lo lansa den futuro un satelite pa descubri meteoritanan, cu e fin pa stipula si tin hopi peliger pa un navio lunar tripula di worde destrui pa pida roestu construi pa man humano y qu ta lubida pa hopi tempu caba.

### Schurftkiemen in 7 Gedood Minuten

Uw huid heeft bijna 50 miljoen gleuften en poriën, waar ziektekiemen zich in verbergen en verschrikkelijke Jeuk, Barsten, Eczeem, Schrijnen, Bloedvinnen, Ringwormen, Psoriasis, Vetpuistjes, Puisten. Schurft en andere besmettingen veroorzaken. Gewone behandelingen geven slechts tijdelijk verlichting, omdat zij de oorzaak niet doden. Dje e nieuw ontdekking Nixoderm, doodt de ziektekiemen in 7 minuten, garandeert U een zachte, gave en aantrekkelijke huid binnen een week, of ge krijgt Uw geld terug tegen het ledige pakje. Haal nog heden de gegarandeerde Nixoderm bij Uw apotheker en verwijder de werkelijke Nixoderm oorzaak van huidziekten.

## COMPANIA PARTICULAR PA DESAROLLO DI LATINO AMERICA A KEDA ESTABLESE


PARIS, 11 Jan. Industrieronan y banquero-nan prominente di Europa Hapon y Merca a reuni na Paris pa establecimiento di "Atlantic Community Development Group For Latin America (ADELA) un compania particular multinacional di inversion, cual ta spera di por mobilisa 200 millon dollar pa duna fianzanan na Latino America.

Secretario general dje organizacion pa cooperacion y desarrollo

economico (OESO) Thorkil Kristensen, cu a inaugura e reunion di dos dia, a llama ADELA un pionero, dje iniciativa particular cu ta trata pa stipula economia di Latino America, e continente menos desarolla di mas ricu.

E president dje Inter-American Development Bank, Felipe Ferrera, a declara cu su banco ta apoya e iniciativa di ADELA, cual iniciativa segur y cu eficacia por crea instalacionnan y inversionnan particulario nobo pa desarrollo nacional di paisnan di Latino America.

Secretario General dje organizacion di paisnan Mericano, Dr. A. Jose a Mora, a bisa cu e organizacion di paisnan mericano ta mira ADELA como un punto importante ne esfuersonan di Europeonan, Hapones y Mericano-nan pa haci crecemento economico di Latino America mas liher.



## Necesidad pa integracion di Europa y Aliansa Atlantico

BONN, 10 Jan. Canciller federal Erhard a llama den un declaracion pa bondsdag e tratado Frances Aleman e forza flotante dje politiek di exterior di Alemania Occidental. Sin amistad entre Alemania y Francia ni Europa ni e integracion Europeo y e Aliansa Atlantico por existi, segun el a bisa. Erhard a bisa di ta di acuerdo cu president De Gaulle cu e tratado no tin un caracter exclusive, pero ta un instrumento pa un unificacion Europeo.

E tratado no tin influencia centrifugal pero centripetal, pasombra e tratado aki no kier saca ningun pais afor, y tampoco ta menospreca paisnan chiqui di Europa.

Integracion economico so no ta suficiente pa crea Europa, segun Erhard a continua. Tin mester di voluntad politico pa crea un Europa, segun Erhard cu ta politico y no technocratico. Afiliacion di gran Britania pe comunidad Europeo lo no kibra e union, segun e canceller. Erhard a bisa di kier un iniciativa nobo pa realizacion di un Union politico Europeo. El a bisa di tin consentimiento di general De Gaulle pa delibera cu e gobierno Italiano tocante e asunto menciona. Dia 14 di februari general De Gaulle lo topa atrobe cu Erhard na Paris. Loke ta referi e kestion Argoud el a bisa cu esaki no tin mag di danja e amistad frances-aleman y cu Alemania Occidental solamente kier a defende su posicio juridico.

Tocante su deliberacionnan cu president Johnson na Texas Erhard a declara cu no tin ningun duda ne fieltad di Merca y cu cada desconfianza ta inhusto. Alemania ta un aliado valoroso y partner natural di Merca. Erhard tabata contra e suposicion cu e amistad cu Francia ta pa haci e aliansa cu Merca dificil. Tanto De Gaulle como Johnson a segurele, cu e dos amistadnan aki no por contene ningun contradiccion. Alemania sinembargo no ta centro di mundo. Nos mester evita pa saca di un mal manera probecho di dificultadnan entre e aliadonan.

Erhard a re. onoce e esfuersonan grandi di Merca pa defende mundo liber. Johnson sinembargo tambe a papia tocante e riesgo cu Merca ta tuma riba dje ne accion aki. Nan no mester tene miedo, pa purba nada, pa trata pa rebaha tension den mundo. Ne deliberacionnan pa esaki nan mester garantiza sinembargo seguridad, libertad y justicia. Tambe Alemania lo mira cual contribucion e lo por duna na destencion den mundo. El a menciona akian e comercio cu paisnan oriental. Erhard a rechaza

creditanan cu termino largu na Rusia. Nos no mester resolve dificultadnan di Rusia. E gobierno federal ta actua na tur paso cu completo apoyo mericano, pasombra nos ta amigo di Merca, cu condiconnan di ambos banda. Papiando tocante e kestion Berlines di pas el a bisa ta mihor di desea cu tantu Berlinesnan Occidental por bai pa Berlin Oriental como Berlinesnan Oriental por sali pe parti Occidental, pero un aregio di pas en todo caso no mester nifica un cambio den e actual status.

## Cumpleanjos

Dia 10 di Jan a cumpli 12 anja hobencita Maria Lucrecia Geerman, felicitacion ta bini di su mama Cayalina, tata Charlie, rumannan Johanna y Freddy, wela Chita, welonan Felis y Antonlo, tanta y omonan, primo y primanan, padrino Mario Quant, madri-nanan Berta Kock y Silvina Maduro, tur su amiganan di 5de klas Filomena College y demas famia Geerman.

Awe dia 11 di Jan a cumpli 24 anja señor Michael Antonius Roga, felicitacion ta bini di su mama Maria, rumannan Andres, Margarita Gomes, Hario, Franklin, Judith, Robby y Betty, wela Mathilda Roga, tanta y omonan, sobrinanan Anita, Irena y Johnny Gomez, muy especialmente di tur su amig y amiganan di Tele-Aruba, tambe di Janchi Rafini, madrina Nicolina Solognier.

Awe dia 11 di Jan ta cumpli anja Anna Tromp, felicitacion ta bini di su esposo Poli, yunan Jolanda, Sofia, Djossie, Maria, Polito, Olga, Edwin, Lidwina, Fortunata, y Evelin, comer y compernan, rumannan, suegro Maximon Wernet y demas famia Tromp, Fingal y Wernet.

Awe dia 11 di Jan ta cumpli 72 anja Señora Frederika Willems, felicitacion ta bini di su esposo Adeiberto, 9 yunan, 31 nieto y nietanan, 8 bisanietonan, 4 suegronan, 4 suegranan, bisinjanan, conocirnan, y demas familia Willems, Geerman, De Freitas, Wild y Diaz.



CARMELILLA

Dialuna anochi Arubaanse Kunstkring ta presenta den Centro Cultural Marcheña y Carmelilla (potret) bailadonan flamenco di Madrid, Spanja kendenan na e momento cu un grupo di cinco persona ta haciendo un gira rond di mundo. E mes un grupo cu durante dos siman a presenta den e show di Klompen Club di Aruba Caribbean Hotel lo actua tambe pa e muchanan di school bao di auspicio di Stichting Culturele vorming di Schoolverband. Nan programa den Centro Cultural lo ta otro di esun den Hotel. Den C.C.A. nan lo presenta majoria parti bailenan folklorico. Durante nan presentacion nan lo worde acompaña na piano door di director di Arubaanse Muziekschool, sr. A. Seyler.

# AGENDA

## ARUBAANSE COURANT

diariamente cu excepcion di diadomingo  
 suscripcion f. 3.25 pa luna edicion los 20 ct.

edita pa:

N.V. Arubaanse Drukkerij - en Uitgevers - en Publiciteits Mij.

imprimi na:

N.V. Drukkerij „de Stad,,

Telefoon 1116 Directiva y redaccion, 2116 Anuncio y suscripcion.

Directeur hoofdredacteur: D. Wolff.

## CINE

Diasabra 11 Jan.

De Veer: 8.30 p.m. "The Counterfeit Traitor" 18 j  
 Rialto: 8.00 p.m. "Maciste In The Land of the Cyclops" 18 j  
 Principal: 8.00 p.m. "The Seven Unholy terrors of Samar the gateway to hell" 14 j  
 Aurora: 8.00 p.m. "Hatari" all  
 Savaneta: 8.00 p.m. "Bullwhip" all

Diadomingo 12 Jan.

De Veer: 6.00 p.m. "Wat doet Papa toch in Italie?" all  
 8.30 p.m. "The Counterfeit traitor" 18 j  
 Rialto: 5.30 p.m. "Rider on a Dead Horse" all  
 8.00 p.m. "Maciste in the Land of the Cyclops" 18 j  
 Principal: 6.00 p.m. "Muziek is Troef" all  
 8.00 p.m. "Hell is for Heroes" 18 j  
 Aurora: 6.00 p.m. "Der Stern Von Santa Clara" all  
 8.00 p.m. "Hatari" all  
 Savaneta: 6.30 p.m. "Ha Llegado un Angel" all  
 8.00 p.m. "Too Hot To Handle" 18 j

## BOTICANAN DI WARDA

Oranjestad: Botica Aruba Tel: 1080-1081  
 San Nicolas: Botica San Lucas Tel: 5119

## DOKTERNAN DI WARDA

Oranjestad-Noord: Dr. V v.d. Bijl,  
 San Nicolas-Sta Cruz-Sav: Dr. H.R. Dennert

## WIT-GELE KRUIS

Oranjestad: Zr. Ewald  
 San Nicolas: Zr. Perpetua  
 Santa Cruz: Zr. Ludovic

## SIRBISHINAN DI MISA PROTESTANT

Oranjestad: 12 Jan. 7 uur n.m. Ds. Jakobs  
 Piedra Plat: 12 Jan 9. uur v.m. Ds. Jakobs  
 San Nicolas: 12 Jan. 9 uur v.m. Ds. Visser.

## Ehecusion na Rhodesia

Na Salisbury awe un boekhouder blancu di 34 aña a wordu ehecuta pa motibu di a asesina tres hende blancu. E boekhouder Leopold Smith a muri cologa y te prome blancu foi 1952 cu a ser ehecuta na Rhodesia.

## TELE-ARUBA

Diasabra 11 Januari 1964

05.30 Flash Gordon  
 06.00 This is Britain  
 06.30 Capt Grief  
 06.45 Papiamento Newscast Live & Filmnews  
 07.00 Top Cat  
 07.30 Sports Patro  
 07.30 Sports News  
 07.45 Highway Patrol  
 08.15 Bold Venture  
 08.45 English Newscast Live & Filmnews  
 09.00 Sign off the week  
 10.00 Sign off.

Diadomingo 12 Januari 1964

06.00 Sword of Freedom  
 07.30 Living World  
 08.45 Papiamento Newscast Live & Filmnews  
 09.00 Bat Masterson  
 09.30 Big Playback  
 09.45 Concentration  
 10.15 Live "Nos Tera"  
 10.45 English Newscast Live & Filmnews  
 09.00 Empire  
 10.00 Sign off.

DI 7.45 pa 8.15  
 La Garra Escondida  
 pa cortesia di  
 KAN N.V.

## RADIO CARACAS TELEVISION

Diasabra 11 Januari 1964

8.45 Senderos de luz  
 9.30 Tio Vacaciones  
 9.30 Relaciones Públicas  
 9.45 Proyecciones  
 10.15 Diálogo y cultura  
 10.45 Imagen de Francia  
 11.01 Federación Ven. de Galacteros  
 1.30 Suplemento hípico  
 12.00 El Show de Saume  
 13.15 Weekend con las estrellas  
 13.45 C.T.V.  
 4.15 Museo  
 14.30 Media hora con Chelique  
 5.00 Bowling  
 16.00 Farándula Musical  
 16.30 Peña Tanquera  
 16.44 Programa Musical  
 16.00 Ganele al reloj  
 18.30 Tie Tac  
 19.00 Mr. Ed y Datos hípico  
 19.30 Que monada de familia  
 20.00 El observador  
 20.15 La era siniestra  
 20.45 Alfred Hitchcock  
 21.15 Vida y destino  
 21.30 Boris Karloff  
 22.30 Charla

Diadomingo 12 Januari 1964

9.00 Buck Rogers  
 9.30 Aventura del Cacique Jao  
 10.30 El Circo  
 11.30 Pelicula  
 13.00 Torneo hípico y Perry Mason  
 18.00 Laramie  
 19.00 El Imperio  
 20.00 El observador  
 20.15 La hora estelar  
 21.15 Show de Aldemaro Romero  
 22.15 Boxeo  
 22.45 Miradas al mundo  
 23.00 Teleteatro

## Investigacion nuclear na Egypto ta progreso

CAIRO, 10 Jan. E corant di Egypto "Al Ahram", a anuncia cu Egypto a logra di saca uranium y thorium foi an mineralnan.

Esaki a sosede ayera den un fabrica nobo den "Ciudad di atoom Inchass", cu ta keda na mas o menos 100 km di Cairo. E corant a bisa, cu actualmente nan a kibra e monopolio pa e combustible nuclear importante aki, cu te poco ten pasa tabata produci solamente pe potencianan grandi.

E corant a termina cu e anuncio, cu nan lo construi na Egypto un segundo fabrica pa obtene uranium y thorium.



Sante Amonti, e boxeo den aire liber na Stockholm, caminda completo cu a worde derrota pa Floyd Patterson durante un encuentro na Stockholm a bishita un mu-

seo den aire liber na Stockholm, caminda tin hopi estatua di e escultor Sueco, Carl Milles. Amonti a sa-

ca e portret aki mei mei di e pianan di un estatua enorme di Poseidon. "Floyd afortunadamente ta mas chikitu...." el a bisa.

## 1 Luna gratis suscripcion

## Bo ta lesa Arubaanse Courant

## 12 luna, pero ta paga

## unicamente 11 esta si.....

abonadonan cu entre awe y dia 15 di Januari 1964 paga nan suscripcion pa henter anja 1964 den un solo biaha ta hanja e courant un luna gratis y ta paga 11 x Fl. 3,25 = Fl. 35,75

## BO TA SPAAR FL. 3,25

Bo por paga na nos oficina of cerca un di nos cobradornan

(p.f. no serca e muchanan cu ta parti courant)

## Plan di desarme di socialistanan Ingles a worde publica

DERBY, 10 Jan. E lider di e partido labourista Ingles Wilson a publica un plan di desarme consistiendo di 6 punto.

Den esaki ta ser propone pa pone un fin ne aumento di gastunan militar di instala teritorionan liber di arma nuclear, puestonan di observacion y cumenza inmediatamente cu deliberacionnan pa haci posibel expansion di armanan nuclear.

Wilson a menciona den un discurso politico, cu el a tene den ciudad Britanico Derby, e siguiente puntonan.

1. Inglaterra meste propone un acuerdo general caminda nan lo pone un fin ne aumentonan di gastunan militar.

2. Mester tuma juga blokeo di armanan nuclear na Alemania Oriental y Occidental, Polonia y Ts echoslovakia.

3. En relacion cu esaki nan meste establese puestonan di observacion.

4. Door dje acuerdo limita di puestonan di observacion nan meste tene inmediatamente deli-

berastionnan tocante un acuerdo caminda nan meste evita un expansion di armanan nuclear.

5. Nan mester continua cu intencionan pa llega di acuerdo tocante prohibicion di tur prueba nuclear.

6. Como parti di un acuerdo extenso occidente mester ta dispuesto pa delibera tocante eproposicion Ruso pa un tratado di no ataca (entre paisnan di NAVO y pacto di Varsovia.

## Pruebanan nuclear di Francia

SYDNEY, 9 Jan. Di viahe pe base Frances enconstruccionnan pa tene pruebanan nuclear, mas di mil km na suroeste di Tahiti, e minister Frances di defensa Pierre-Messmer awe a jega Sydney. Durante un conferencia di prensa minister Messmer a declara cu Francia lo sigui inevitablemente cu tumentu di pruebanan nuclear y cu waterstombom na alturanan altu den pacifico y cu no tin ningun motibu pa Francia di cambio di idea apesar di protestanan di Australia y Nueva Zelandia.

E pruebanan lo no cuminsa prome cu fin dje aña aki o posiblemente otro aña mes. Nan no a bisa ainda cuanto prueba lo ser haci.

Nos tin idea di termina por lo menos un serie di prueba den un periodo di algun luna y stop despues, segun e minister.

E minister frances di exterior Couve de Murville, segun Messmer a participa, den futuro lo delibera cu gobierno di Australia tocante contrariedad di Australia pe pruebanan propuesto. Di fuente oficial nan a tene nomber dje isla riba cual nan lo construi e base Frances di prueba den secreto.

## Uso di amanan nuclear

Paris, 10 Jan. Segun opinion di e ex-comandante supremo di NAVO Lauris Norstad meste tuma un decision pa uso di arma nuclear pa occidente no keda exclusivamente na president di Merca, pero cerca Merca Inglaterra y Francia huntu. Norstad a bisa esaki den un conversacion cu un corant financiero frances. Alemania Occidental tambe meste tin sesion den e comision relaciona dje tres paisnan, pero sin derecho di vota. Norstad ta hanja esaki razonable, pasobra Alemania na un conflicto arma probablemente lo keda den e linea di frontera. Norstad no ta conseha pa retira un o mas division mericano for Europa.-

## Corupcion na Indonesia

DJAKARTA, 10 Jan. E comandante di forzanan Indones di guerra Nasoetion, a dirigi un peticion na tur instalacionnan di estado pa coopera den e lucha contra corupcion y burocratie. El a bisa esaki den un mensahe en ocasion di salida di comisionnan pa expansion di ideologia na Oost Java. E comisionnan a hafa conseho di Nasoetion pa laga embatnanan comprende, cu e stipulacionnan oficial tey, pa sirbi e pueblo y no a sicontrario.

## Union Europeo ta bira mas fuerte

STRAATSBURG, 9 Jan. E seis paisnan dje mercado comun Europeo ta sigui den direccion di fusion dje tres comunidann-mercado comun, euratom y comunidad pa carbon y staa, posiblemente sigui pa formacion di un berdadero parlamento Europeo, cu lo wordu realiza ne eleccionnan general. Asina un bo-sero a declara na Straatsburg caminda parlamento Europeo a reuni. Posiblemente un decision tocante un fusion dje tres comunidad lo wordu tuma aki dos luna, segun el a bisa.

Representantenan permanente dje comunidannan siman pasa a entrega plannan di fusion cerca nan ministernan y funcionariannan diplomatico a bisa, cu e prome reaccionnan di gobierno,

tabata positivo. E unico excepcion tabata Luxemburgo. Esaki tin miedu cu e chensnan cu Luxemburgo capital di Europa lo bira mas chiqui door dje plannan. Si e comunidad Europeo pa carbon y staa dispense for Luxemburgo 1.500 ambtenaar - Europeo bon para lo sali di e territorio aki. Luxemburgo lokier e ora ey un compensacion. E ministernan lo reuni dia 17 di Februari pa studia pa di prome biaha huntu e plannan pa fusion. Na April o Mei e plan di fusion lo worde aproba na un conferencia dje seis gobiernonnan.

## Acuerdo entre Indonesia y Philipina

MANILLA, 10 Jan. Indonesia y Philipina a bira di acuerdo tocante e linea di armisticio en bista di Maleisia. Segun a ser anuncia di fuente dje ministerio di exterior di Philipina.

Nan a bira di acuerdo, cu e bisinjanan di Maleisia lo wordu invita pa uni na un union di Indonesia y Philipina. Maleisia lo ta bienveni si promer e libra su mes dje soberania britanico.

Anja pasa promer cu fundamente dje federacion di Maleisia lidernan di Indonesia, Philipina y Malakka a propone na Manilla un union.

E minister britanico di defensa Thorneycroft awe mainta a llega Koesjing. E lo keda dos dia den territorio di Noord Borneo, cu ta forma parti di Maleisia.



## Avion di Argentina a sufri desgracia

BUENOS AIRES, 10 Jan. Un DC-3 di e compania aerea di Argentina "Aerolineas", a sufri desgracia cerca di Zarate na cien km na norte di Buenos Aires.

Segun cifranan provisional, 26 ocupante dje avion, cu a haci un aterizaje forzoso y a pega na candela, a muri. E avion tabata haci un vuelo di Santa Fe pa Buenos Aires. Abordo tabata tin 28 pasahero y tres miembro di tripulacion.

Despues a ser anuncia di fuente autorisa cu e avion di aerolineas litoral Argentinas tabatin abordo 23 pasahero y un tripulacion di tres persona. Shete persona a sobrevivi e desgracia. Nan ta yen di kemadura y a worde transporta cu avion pa Buenos Aires caminda nan lo keda hospitalisa.

## Robert Kennedy no tin plannan fiha ainda

WASHINGTON, 10 Jan. Robert Kennedy a laga sa qu e lo keda como minister di justicia te despues di eleccionnan presidencial na November proximo. Durante campanja di eleccion e lo pone su mes na disposicion di Pre-

sident Johnson y partido democratico.

Robert Kennedy cu a continua cu su trabao despues di a so-sega pa algun tempu, a agrega, cu e no tin plannan fiha ainda. Ora cu e eleccionnan pasa unavez por ta cu mi lo retira for bida publico, maske ta posibel tambe cu mi lo pone mi mes candidato pa presidencia di Massachusetts.

## Francia lo reconoce

## China comunisto?

PARIS, 10 Jan. Ex prome minister Frances Faure a bisa den un discurso publica, di a papia profundamente qu lidernan Chines tocante e kestion di reconocimiento di Republica Popular di China door di Francia. Faure, cu a papia qu Mao Tse Toeng y otro lidernan Chines durante un bishita cu el a haci China afa pasa, a bisa cu e bishita aki tabatin un aspecto particular maske e tabatin aprobacion dje gobierno Frances. (prome y despues di su bishita na China Faure a papia qu president De Gaulle) Di fuente bon i forma a ser bisa, cu e Chinesnan a laga Faure sa, cu nan ta dispuesto pa cumenza cu Francia relacionnan diplomatico riba nivel di embahada sin di insisti cu Francia meste kibra relacionnan diplomatico cu Taiwan na Formosa.

Papa Pablo ta saluda e multitud na Megiddo, e ciudad biblico Armageddon.

## Proceso Auschwitz di asesino masal

FRANKFORT, 10 Jan. Robert Mulka, e ex adjudante di comandante dje campo di destruccion di nazinan na Auschwitz (polonia) di 68 aña, a declara dilanti corte di jamas d mira un cuarto di gaz. Milka te mas bleuw dje 22 bewakernan dje ex campo di destruccion caminda millones di Huido a muri, y cu ta worde setencia na Frankfort riba acusacion di asesinato masal.

Corte a cuminsa cu interrogacion dje personan sospe ha. Algun dia pasa nan a hanja ocasion pa conta historia di nan bida.

Mulka a bisa, cu solamente e ta supone loke tabata pasa den e campo. El a desmenti di a participa ne asesinatonan o cu el a escoge victimanan pe cuartunan di gaz. Tampoco e tabata sa cu tabatin mucha tambe den e campo di morto. E tabata sa, cu na Auschwitz tabatin presunan Ruso di Guerra, pero el a bisa di no sa cu esakinan ta wordu mata cu gaz venenoso. Segun Mulka tabata su trabow pa vigila e campo y e bienestar di e bewakernan. Mulka a wordu acusa di a lanta cuartunan di gaz y di a busca gaz.

**RIP KIRBY**

Agente exclusivo di

pa cortesia di:

**FRIESCHE VLAG**

lechi evaporado y lechi en polvo

**JAN BODEGOM & CO (ARUBA) N.V.**

**MAXWELL HOUSE KOFFIE.**




**DICK TRACY**

pa cortesia di:

**ANTILLIAN HARDWARE CO.**

E mihor adres pa VERF, KWASHI, TUR HERMENT, ARTICULOS SANITARIO.



**CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refrescan mas pidi y mas gusta na Aruba



**BUCHI ROBEZ**

pa cortesia di:

**PIET'S SODA FOUNTAIN**

Tel. 2123

E mihor adres pa snacks, tur clase di dushi, softdrinks, ice-cream y revistas.



**PEPITA**



**HOROSCOPO PERSONAL**

Pa dialuna 13 di Januari

**ARIES** 21 maart-20 april.  
Awor bo lo por enfrenta e hechonan encunto transaccionan financiero y asuntunan cu otro nan. No spera muchu ventaha.

**TAURUS** 21-april-21 mei  
Otronan por ta bao di presion di problemanan awor. Domina bo impaciencia y acepta dificultadnan cu optimismo.

**GEMINI** 22mei-21 juni  
Concentra bo mes unicamente riba trabao cu mester worde hasi y ciuda bo salud bon. No negligha kestonnan importante awe.

**CANCER** 22 juni-23 juli  
Sucesonan por tin culpa cu bo ta sinti bo mes poco triste y deprimi. Trata pa muestra confianza cu esnan cu bo ta aprecia.

**LEO** 24 juli-23 augustus  
Bo por worde jama pa duna cuenta di algu cu bo a negligha den bo trabao. Muestra optimismo y alegria, no perde curashi.

Pa BOEKI „SONJO“, na spanjo y ingles cu interpretacion di number di intere.....  
..NICOLAAS STORE,,  
Tel...5385 - San Nicolas

**VIRGO** 24 augustus-23 september  
Scucha bon kiko otronan ta bisa y no compromete bo mes muchu liher den asuntunan di suma importancia. No tuma desielonnan muchu purá.

**LIBRA** 24 september-23 oktober  
Awe ta muestra mas favorable; bo por alcanza bo obheto, pero bo mester hasi hopi esfuerzo. Ta un bon dia pa hasi compras.

**SCORPIO** 24 oktober-22 november  
Awor bo lo ta capaz pa laga asuntunan marcha segun abokier. Pasenshi y habilidad lo hiba bo dilanti.

**SAGITARIUS** 23 november-21 december  
E parti humano di bo karakter ta sali dilanti awor y bo lo realiza e problemanan di otro bon. Anochi ta favorable pa discusionnan.

**CAPRICORNIUS** 22 december-20 januari  
Un amigu bieuw ta bishita bo of acento ta cai riba asuntunan di conocirnan. Tratapa mantener realismo den bo deseo y esperanzanan.

**AQUARIUS** 21 januari-19 februari  
Sea puntual awor y tene bo cabes serca bo trabao. Personanan cu autoridad lo exigí hopi di bo, no desapunta nan.

**PESCES** 20 februari-20 maart  
otronan tin mester di hopitempu pa dicide, muestra pasenshi. Ta un periodo favorable pa dedica atencion na estudio.

**Merca ta serra basenan**

WASHINGTON, 10 Jan. Forza aerea Mericano a anuncia cu nan lo serra prome cu prome di Juli dje aña aki su base pa avionnan jet di bombardeo dje tipo B-47 na Saragossa na Spanja. E avionnan di bombardeo lo wordu hiba pa basenan Moron y Torrijos ampos tambe na Spanja. Dos luna pasa forza aerea Mericano a anuncia cu e lo serra pa dos basenan a Inglaterra pa avionnan B-47 di bombardeo y un siman pasa nan a participa di lo retira avionnan di bombardeo y avionnan di caza fol Hapon.